

**Histoire de tous les cardinaux françois de naissance : ou qui ont esté
promeus au cardinalat...**

par François Duchesne (1616-1693) Paris : F. Duchesne, 1660 **Restablisement du
Cardinal de la Forest, de Simon de Bucy, premier President du Parlement de Paris, & de
plusieurs autres, publié en Parlement par Charles fils aîné du Roy lean, Regent du
Royaume**

□

*Extrait des Registres de Parlement, communiqué par Monsieur
Prothonotaire du Saint Siege Apostolique, Conseiller du Roy en
et Aumosnier ordinaire de Sa Majesté.*

CHARLES, fils aîné du Roy de France, & Regent le Royaume, Duc de Normandie de Viennois, sçavoir faisons à tous presens & aduenir, Que comme tantost après la reueuse & aduerse fortune de la bataille de Poitiers, auquel fait il pleust à Dieu le gueur pour les pechez commis au Royaume de France, ou pour autres causes, souuerain & cher Seigneur & Pere, fut pris par les ennemis, les nostres, & du Royaume: Nous desirans du monde desirans la tres-briefue deliurance de sa personne, eussions mandé plusieurs notables personnes de tous les endrois du Royaume, de la Langue d'oïl & de la Langue d'oc, qui qu'ils nous veulent donner loyal conseil & bonne & preste ayde sur le fait de la dite, & à la defense & seurere du Roy, lesquelles choses ils nous eussent promises à leurs corps & biens en general: Et pour trouuer les manieres & voyes specialement eussent eu plusieurs Traictez ensemble par plusieurs assemblées & continuations d'assemblées estoient aucuns qui auoient entre les autres grande autorité & puissance faisoient tres-grand semblant de parole de vouloir la bonne & briefue deliurance du Roy & le bon estat de nostre tres-cher Seigneur & Pere, de Nous, & de tout le Royaume: les bonnes personnes innocens & de bonne foy, estans esdites assemblées, adjoyns foy à leurs dits & à leurs opinions, cuidans qu'ils fussent loyaux prud'hommes, & de bien estre. & qu'ils tendissent de tout leur cœur aux droictes fins dessusdites, lesquelles autrement si comme depuis par leurs œuvres, & par l'issuë des besognes est à tout appert encor clairement & notoirement; car aucuns desdits comme traistres & contraires à la Majesté de Nous, & de l'honneur & bien de la Couronne & du Royaume de France, iusticiez & morts vilainement, & les autres qui s'en sont fuis, qui n'ont osé attendre & se sont rendus nos ennemis de tout leur pouuoir publiquement & notoirement par mauuaise haine & par enuie, comme pour venir plus aisément à leur entreprise, eussent plusieurs des Conseillers & Officiers de nostre tres-cher Seigneur & Pere: C'est à savoir de la Forest, qui auoit esté auparauant Chancelier de France, Archeuesque de Sens, Cardinal de la Sainte Eglise Romaine, & est encor à present: Messire Renaud de Maugre, de Falaise, lors President de la Chambre des Enquestes du Parlement de Montpelier: Messire Estienne de Paris, Messire Pierre de la Charité, Messire Anceaume de Cleres, & Maistres des Requestes de Monseigneur & Nous: Messire Simon de Lamoignon, premier President du Parlement, & Maistre des Requestes de l'Hostel, & du grand conseil de Monseigneur & de Nous: Messire Robert de Lonts, Cheualier du grand & secret conseil de Monseigneur & de Nous: Messire Nicolas Braque, Cheualier, Maistre de l'Hostel de Monseigneur & de Nous, & du grand & secret conseil: Messire Jean Chalmart, President audit Parlement des Requestes de l'Hostel: Messire Jean Taupin, Seigneur en Loix, Clerc & Conseiller de Monseigneur & de Nous: Jean Enguerrant du Petit, Cheualier, lors vivant: Bachelier de Monseigneur & de Nous: Jean Danchoire, Maistre en la Chambre des Comptes de Monseigneur & de Nous: Jean Poilleuilain, Maistre en ladite Chambre des Comptes, & Maistre des Monnoyes du Royaume de France, de Monseigneur & de Nous: le

Salica :